



ՄԵԾ ԵՂԵՌՆԵՒ 50 ՏԱՐԻՆ

ՀԱՅ ԺՈՂՈՎՐԴԻ ՄԵԾ ՈՂԲԵՐԳՈՒԹՅՈՒՆԸ

ՄԱՐՏԻՐՈՍ ՍԱՐՅԱՆ

Սոցիալիստական Աշխատանքի Հերոս

Հիսուն տարի առաջ կատարվեց պատմության մեջ աննախադեպ մի ոճրադործություն, որին զոհ դնաց աշխատասեր ու շինարար հայ ժողովրդի արեմրտահայ հատվածը։ Թուրքական պետության ազդայնամուղ ղեկավարները, օգտագործելով նպաստավոր առիթը, երբ Արևմտյան Հայաստանի գեներալ-դուինակ բոլոր տղամարդիկ կանչված էին բանակ և անպաշտպան էին մնացել կանայք ու երեխաները, ոտնահարելով մարդկային ամենատարրական բմբրունումները, նենգորեն իրագործեցին հայերին բնաջնջելու նախօրոք մշակած ծրագիրը։ Տղամարդկանց բանտկում գինաթափ անելուց հետո մաս-մաս գնդակահարեցին։ Պոլսի մտավորականությանը 1915 թ. ապրիլի 24-ի գիշերը ձերբակալեցին, արսորեցին երկրի խորքերը, խոշտանդեցին։ Նույն ապրիլ ամսին սկսվեց անպաշտպան հայ ժողովրդի զանգվածային ջարդը. տեղահան արվեցին բոլոր հայերը, խլեցին նրանց ունեցվածքը և տարագրելով գեպի հարավ՝ ճանապարհներին կոտորեցին ամենարարբարոս միջոցներով, շխնայելով ոչ հիվանդներին, ոչ հղի կանանց, ոչ ծծկեր երեխաներին և ոչ էլ զառամյալ ծերունիներին։

Պատմական Հայաստանի ղեղեցիկ բնաշխարհը ներկվեց անմեղ հայերի արյունով։ Հարյուր հազարավոր դիակներ օրերով մնացին անթաղ, դարձան գազանների կեր։ Ամայացան տասնյակ հայարնակ քաղաքներ, հազարավոր դյուղեր։ Մարդասպանները կատաղի վայրագությամբ քանդեցին, ավերեցին, թալանեցին տարիների ընթացքում կառուցված տները, տնկված այգիները, մշակված պարտեզները։ Գերեզմանատների վերածեցին վարդաստաններ։

Անյուր ողբերգություն էր, որ կատարվեց մեծ պետությունների աչքի առաջ: Թաքուն չէր ոճիրը, գիտեի ամբողջ աշխարհը՝ մարդասիրությունից, մարդկայնությունից ճառող «քաղաքակիրթ» աշխարհը:

Զարմանալի կերպով փակ մնացին այդ պետությունների աչքերը և՛ ոճիրի պահին, և՛ նրանից հետո: Նրանք հանգիստ դիտեցին աշխարհով մեկ ցրված հայ գաղթականների տառապանքը, լսեցին նրանց հայրենաբաղձ ու արդարացի աղաղակները: Լսեցին ու լռեցին:

Իսկ հիմա, աշխարհի շորս կողմը ցրված հայերը նշում են մեծ եղեռնի հիսնամյակը, մատուցելով պատշաճ հարգանքը մոտ երկու միլիոն զոհերին, ուզում են միաժամանակ ամոթի խարանդղորդման այն մարդկանց դեմքին, որոնք իրագործեցին ոճիրը և մնացին անպատիժ:

Պետք է նշվի հայ ժողովրդի համար նվիրական այս պատմական օրը, նշվի երկյուղածությամբ ու մեծ հարգանքով, բայց ոչ լաց ու կոծով: Երբ հայ ժողովրդին հատուկ չէ: Եղեռնը մեր ժողովրդի պարտությունը չէր, փոքրոգի, նենդ թշնամու բարոյական պարտությունն էր: Ապացույց՝ վերածնված այսօրը մայր հայրենիքում և գոյությունը Սփյուռքի, որը ամենադժվարին պայմաններում տոկում է, համբերում, պահում ազգությունը, լեզուն, պայքարում ձուլման դեմ, սպասում:

Պետք է գրվի մեծ եղեռնի մասին ամբողջ ճշմարտացիությամբ, թող աշխարհը մի անդամ էլ իմանա, թե ինչի ընդունակ են եղել բռնակալները: Պետք է ցույց տրվի, թե ովքեր էին զոհերը, ովքեր՝ ոճրագործները: Զոհը աշխատասեր հայ ժողովուրդն էր, որը պայքարում էր բնության դեմ, բնության նվաճման համար, ճանաչում էր իր լեռն ու քարը. սարն ու ձորը, բուսականությունը, ծովն, ապրել էր այնտեղ, երբեք չէր մտածում արշավել ուրիշ ժողովուրդների վրա, կոտորել մարդկանց: Նրա մղած պատերազմները, սկսած Ավարայրի ճակատամարտից մինչև Մուսա լեռան քառասուն օրերը, մղվել են իր անկախության, ինքնուրույնության պահպանման համար: Կռվել է իր գոյությունը պահպանելու համար, ոչ ուրիշների գոյությանը վերջ տալու, իր մարդկային արժանապատվությունը պաշտպանելու համար, ոչ ուրիշների արժանապատվությունը վիրավորելու, իր բնական սրբությունը պահպանելու, համար, ոչ ուրիշների սրբությանը վնասելու: Հայ ժողովուրդը մշակույթ ստեղծող ժողովուրդ է եղել, հոռմեական լեզուների դեմ պայքարելու տարիներից իմացել է տաճարներ, պալատներ կառուցել, թատրոն հիմնել, բյուզանդական արշավանքներին դիմագրավելիս՝ ստեղծել է գրականություն, թուրքական և պարսկական բարբարոսական տիրակալության տարիներին անգամ մի կողմից տոկացել է թուրք ենիչերիների ու պարսիկ ֆարաշների սարսափներին, մյուս կողմից չի մոռացել մագաղաթների վրա դրոշմել իր իմաստությունը, այդ մագաղաթները զարդարել գունագեղ նկարներով: Իր համար չի ստեղծագործել միայն: Նրա հազարամյակների մշակույթը իր համամարդկային վեհ ձգտումով պատկանում է բոլոր ժողովուրդներին, ամբողջ մարդկությանը:

Հայ ժողովուրդը իր մշակույթով նպաստել է ետ մնացած ժողովուրդներին, այդ թվում հինդ-վեց դար իր վրա իշխող թուրքերին: Հարյուրավոր տարիներ գերազանցորեն հայ ճարտարապետներն ու շինարարներն են կառուցել Թուրքիայի պետական ու հասարակական կարևորագույն շենքերը, կոթողները, որոնք այսօր էլ զարդարում են հնօրյա Կոստանդնուպոլիսը և մյուս քաղաքները: Սկսած XVII դարից՝ մոտ երկու հարյուր տարի մեծ մասամբ հայերն են

ևղևի արքունի ճարտարապետները, նկարիչները, մանրանկարիչները, արվեստագետ ոսկերիչները: Հայերն օգնել են տպագրության դործի տարածմանը Քուրքիայում, ևղևի են թուրքական տպագրական տառերի բարեփոխողները, հիմնել են թատրոններ, նպաստել երաժշտության զարգացմանը: Հայ ժողովուրդը շատ բան է կատարել այդ երկրի բարգավաճման, մտավոր վերելքի համար: Իսկ ինչո՞ւ են հատուցել թուրքական իշխանավորները զարավոր մշակույթ ունեցող ժողովրդին — տեական կոտորածներով, ջարդերով, թալանով: Լինում էր միայն դիմել ինքնապաշտպանության: XIX դարը ազատություն բերեց թուրքական զերիշխանության տակ տառապող բազմաթիվ ժողովուրդների՝ հույներին, սերբերին, բուլղարներին: Հայ ժողովուրդը ի վերուստ ստրուկ մնալու սահմանված չէր: Նա էլ դիմեց ազատագրական պայքարի, ցանկանալով իր հայրենիքում ազատ ապրել, զերծ մնալ տեական հալածանքներից: Զննելից (1862) Եփեսոս (1895), մինչև Մուսա լեռ (1915) այդ պայքարի շղթաներն են, ազատաբաղձ մի ժողովրդի արգարացի ընդվզումը բարբարոս զերիշխանության դեմ: Հայկական այդ հուզումները հպարտությամբ միայն կարող են լցնել մեր ժողովրդի սիրտը: Իրանք նրա հայրենասիրական նկարագրի, տոկունության արտահայտություններն են: Բուսական ու կենդանական աշխարհն անդամ ունի ինքնապաշտպանական բնազդը, պայքարում է իր զոյության համար: մարդը, բնության զերազույն էակը կարո՞ղ է զրկված լինել այդ տարրական իրավունքից:

Անհավասար կովում ընկավ հայ ժողովրդի մի մեծ հատվածը: Թուրքական յաթագանից փախած ու Կովկաս թափված հազարավոր մարդկանց ես տեսել եմ էջմիածնի ու Նրեանի փողոցներում — կանայք, երեխաներ, կմախքացած, մարդկային կերպարանքը փոխած դժբախտներ, որոնց համաճարակը հնձում էր ահավոր սաստկությամբ: Հիսուն տարի է անցել այդ մղձավանջային օրերից, բայց այժմ էլ զեռ տեսնում եմ ոսկրացած այդ մարմինները էջմիածնի պատերի տակ:

Ո՞ւ էր պատասխանատուն այս ահուկի ոճիրը: Անշուշտ երիտասարդ թուրքերի ղեկավարները և նրանց մեծ խորհրդատու կայզերական Դերմանիան: Բայց պատասխանատու են նաև այն պետությունները, որոնք հանդիստ դիտեցին մի ժողովրդի ողջակիզումն ու մարտիրոսագրությունը: Սղնության կանչող ձայները, մարդասիրական կոչերը մնացին անարձագանք, ձայն բարբառո հանապատի: Պետություններ, քաղաքական դործիչներ, որոնք երբեմն ազմուկ էին բարձրացնում անդամ առանձին անհատների սպանության առիթով, անտարբեր մնացին մի ամբողջ ժողովրդի ողբերգության հանդեպ, և ոչինչ չձեռնարկեցին մեծ ոճիրը կասեցնելու համար:

Հակառակ մանկասպանների երազների՝ չմեռավ հայ ժողովուրդը: Նա իր վերածնված հայրենիքում մի քանի տասնամյակում այնպիսի դարթոնք ապրեց, որ հազվագեպ է մարդկային պատմության մեջ, բայց ապրելով ու վերածնվելով, նա իր սրտի խորքում միշտ պիտի պահի երկու զգացմունք՝ իր արդահատանքը նրա արյունը թափող, այդ արյունը սակարկող պետությունների նկատմամբ և հարգանքը հայրենիքի, սեփական մշակույթի, ժողովրդի պահպանման համար ընկած մարդկանց նկատմամբ, այն ազնիվ, աշխատասեր զեղջուկների, որոնք քրտինքով պարարտացված հողին խառնեցին իրենց մարուր արյունը: Հայ ժողովուրդը իր սրտում վառ պիտի պահի նահատակված հազարից ավելի այն մտավորականների հիշատակը, որոնք ծնվել էին հարա-

զատ ժողովրդի ծոցից, սնվել նրա դարավոր իմաստությամբ և մաքառում էին նրա ապագայի համար:

Այս մեծ սուգը միայն հայերի սիրտը չէ, որ մորմոքում է, այլև այն բոլոր ժողովուրդների, որոնք գիտեն հարգել ժողովուրդների ազատությունը, արժանապատվությունը: Նրանք մեզ հետ միասին, մեր չափ, անկեղծորեն հուզվում են ու վերապրում այսօր՝ պատմության մեջ աննախընթաց այս մեծ ու ահավոր ոճիրը, որը չպետք է թույլ տալ որ կրկնվի, երբե՛ք և ո՛չ մի տեղ: